

آبونه سرائطی

ممالك عثمانیه ده سنه لکی (۶۵) آلتی ،
یلغی (۳۵) غروشدر
ممالك اجنبیه ده سنه لکی (۱۷) ، آلتی
آیلغی (۹) فرانقذر .

اداره خانه

باب عالی جاده سنده دائره مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدله یں یازیلر اعاده
اولونماز .

الکتاب

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .
صاحب و مدیر مسئول
اشرف ادیب

والله یهدی من یشاء الی صراط مستقیم

باش محرر
محمد خاکف

اتبعون اهدکم سبیل الرشاد

عدد ۳۲۲

۲۷ صفر ۱۳۳۳

پنجشنبه

۱ کانون ثانی ۱۳۳۰

جلد ۱۳

اخطارات

رساله مزدن آلتدیغی کویستریک شرطیله
یتون یازیلر هر هانکی برغنه طرفندن
اقتباس اولونه بیلیر .

§

مکتوبلرک ، امضالری واضح و اوقوناقلی
اولمسی و آبونه صره نومروسنی محتوی
بولومسی لازمدر .

§

ممالك اجنبیه ایچون آبونه اولانلرک
آدرس لرینک فرانسزجه ده یازلمسی رجا
اولنور .

§

یاره کوندرلدیکی زمان نه یه دائر اولدیغنک
واضحاً بیلدیلمسی رجا اولنور .

یرموک ملحمه کبراسی

بر زلزله قیام الساعه کبی بوتون اروپای غربی بی صارصان سلطان المجاهدین حضرت « فاتح » جنت مکاتک صوکه ضربه قهاریه غیای انقراض واضمحلاله یووارلانان یزانس امپراطورلنی هیولای حا کیتی - ارض مقدسی آغوش دافسانده طوتان - سوریه خاک پاکندن طوروس داغلرینک ثوته طرفه : شمال غربیسنه طرد واجلا ایتیش اولمسی اعتباریه حد ذاتنده کی دهشت واهمیتی رده بیوک برموقیت سیاسیه ایله تنوچ ایدن « یرموک » محاربه خونینی کرچکدن « ملحمه کبری » اطلاقه سزابلو حه غرای فخر ومباهاتدر ، شرق وغربده اسلام مردلکنه ، اسلام قهرمانلغنه ، اسلام علوشاننه تاریخ مدیت وانسانیتده بیوک وممتاز برموقع بالاترین شان وشرف تأمین ایدن بی نظیر وبی مثال مظفریشلر پک چوقدره فقط بوشانی مظفریت اسلامییه آبدات تاریخیسه سی میساننده « یرموک ملحمه کبراسی » نک کنندینه خاص برموقع اجلالی واردر .

انسان ، بودهشتلی وغای تاریخده اوکورکن پیش خیالنده عادتاً ایکنجی بر « بدر کبری » - دها بیوک برمقیاسده - تجسم ایدیور . « بدر کبری » غلبه خارقه نمونی شرکی وشرکک آلهات منجوته احجار واشجارینی خاک مقدس حجازدن ناصیل سوپوردی ، ناصیل مدهش برضربه قهر وتنکیل وورارق سلطنت معظمه اسلامیهنک اساس مصون الاندراسی اولدیسسه « یرموک » مظفریت جلیله سیده او شوکتلی سلطنت توحیده سوریه قطعه جسمیه سی قازاندرارق نصف کره ضربی نک قاراللق افقارینی تاجر محیط اطلاسی ساحلرینه قادار بارقه قهر وجلالیله تنور ایتدی .

اسلامیت ، « یرموک » ساحه کیرودارندن مغلوباً دارالسلامنه چکلمش اولایدی جزیره العربده محصور قالاچاق ، بلکه ده کندی توز یوردنده یا ایامیه جقدی .

بوعظیم حرب ، اسلامیته شرق امپراطورلنی آراسنده بر حیات ومات مسئله سنک حل قطعیسی دیلت ایدی .

بونک ایچین در ، که بدبخت هراقلیوس نومیدانه بر تلاش ، چیلغین بر عصیته همان اوچیوز بیک کشیک بر اردوینی شامی تهدید ایتکده اولان امین الامه ابو عییده الجراح (رضی الله عنه) حضرت تلرینک اوزرینه یوروتدی .

اسلامیتک ، مسلمانلرک برنجی خلیفه ذیشانیه عراقده ساسانیلرک آتش پرست اردولرله چارپشماقده اولان سیف مسلول توحید خالد بن ولید (رضی الله عنه) حضرت لرینه عاجلاً (امین الامه) نک امدادینه قوشمه سی امرینی وردی .

بز ، بوراده تاریخ فتوحات جهانیه کبرانه مزک اوشانی هیفه مظفریتی حرفیاً نقل ایده جک دکیز ؛ پک کوچوک بر اقلیت ، نسبتسز بر

اکثریت عظیمه بی ناصیل مغلوب ایتدی ؛ ناصیل پیش تعقیبه قاتاراق چکینه دی ، آزدی ؛ بقیه السیوفنی ناصیل شماله دوعری قاجردی ؛ ایشته بونلری مسلمانلره ، ارباب عبرت وبصیرته عرض ایتک ایسترز . خصوصیه هراقلیوسک او جسم اردوسی اسلحه سنک مکملیتله ، تشکیلاتنک انتظامیه ده اسلام اردوسی پک کریده بر اقیوردی . حق باش قوماندانلری (وارطان) معظم (!) اردوسنک مظفریتندن اوقادار امین ایدی ، که انطاکیه دن ولوله حرکتی عکس انداز دهشت اولور اولماز جیش اسلامک قورقودن دیزلرینک باغی چوزوله رک پک کوچ فرار ایده بیله جکنی کوزلریله کورسیورمش (!) کبی صایقه لایوردی .

مجاهدین اسلام ، یرندن قویان یانار داغلر کبی اوزرینه بیقیلوب کلن روحلرک اونسندن ، موعده تلاق اولان (یرموک) قادار کمال وقارو سکیتله چکلدی . ایشته اوراده غوغا باشلادی .

فی الواقع یزانسلیلر مدهش هجوملریله اسلام اردوسی اوج دفعه رجعت وبلکه هزیمته اجباره چالیشدیلر ، لکن نه ممکن ... ! ، « ان الله يحب الذين يقاتلون في سبيله صفاً كأنهم بنيان مرصوص » شبه سزدر ، که الله کندی اوغرنده پک پاره قلعه دیواری کبی صف جهاد تشکیل ایدرک حرب ایدنلری سهوهر ، اونلردن راضی اولور . مدیحه الهیه سنک تمثال ذی حیاتی اولان آب روی اسلامی هانکی قوت یرندن اوینا تابیلردی ؟

وقتا ، که نوبت او ، آرسلان کومه سنه کلدی ، صاعقه قهر الهی کبی مقابل بر هجوم ... بر هجوم که ، دکل او پالیقاریلر ، بوتون جهانک قهرمانلری کچینلرده اولسه هوام وحشرات ارض قادار اهمیت اولمایاچاق ایدی .

اوچیوز بیک کشیک مهیب برکتله بشر ، کندیلرینک آنجاق اونده بری نسبتنده اولان اوتوز بیک انساندن قاجیوردی . اوقادار جیدانه وخائفانه ، که کویا ثولومدن جانلرینی قورتارا بیلیمک ایچین فرار لرینه مانع اولان « یرموک » نهرینه آتیلوب بوغولیبورلردی ؛ مذکور نهرده بوغولان ، انشای تعقیبه ثولودوریلن ، چیکنه نلرک

عددی میدان حربده کی مقتوللریله برابر یوز الی بیکی کچیوردی . دقت اولونمالیدرکه بو ، تاریخک غایت احتیاطکارانه قبول ایتدیکی بر عدد صحیحدر . غالبلرک ویردیکلری اوقیمتدار شهیدلر ایسه آنجاق اوج بیک صحابیدن (رضی الله عنهم) عبارت ایدی .

عبدالرحمن غافقی نک مشهد مبارکی اولان (بوواتیه) حرب مشومنده اسلاماردن اوچیوز بیک مجاهدک شهادتیه افتخار ایدن (شارل مارتل) ی اعزّه نصاری میاننده کوسترن فرنک تاریخلری ، بیلیم ، روملرک (یرموک) ساحه کیرودارنده کی بوفاحش مغلوبیتلرینه ندرلر ؛ تعصب صلیبک درجه سنه با یاسین : بوفرنک مورخلرک اک متأخرلرندن اولان « Huart = هوارت » عربلر نامنه یازوب کچن سنه طبع ونشر ایتدیردیکی تاریخنده یرموک ملحمه کبراسی عادی بر مصادمه شکنده کوجولمکه چالیشیور ، طرفین قوتلرندن ایسه هیچده بحث ایتیه یور . چونکه ایشته کله یور .

قبرار ، کچیریز . قفا یارلیق بیله اولور . اولر ایسه موتک سکرانی
ایچنده بیله قارداشلیق کندی نفسلرینه ، آنلرک حیاتلری کندی
حیاتلرینه ترجیح ایدرلریش .

صافیایم که بودم واپسینده کی شوعلوی صوفدا کارانی یالکز بو محترم
شهیدلره منحصر . سابقین اسلام حضراتنک هپسی «اذلة علی المؤمنین»
رحماء بینهم» ستایش الیهینده مظهریت ایچین بر بیله مسابقه ایدرلردی ،
حتی صوک نفسلرینده بیله ... ایشته حقیقی بویوک مسلمانلر !

محمد فخرالدین

مصرک فتحی

۲

عمروایله معیتی ، کیجه وقتی حرکت ایتدی . یوله چیقماق ایچین
کیجه بی اختیار ایدیشی ، کیده جکی زمان و مکانی تمامیه کیزلی طوتمق
ایدی . بلکه خلیفه ، مصر سفرینده ، تأخیری رأینده بولونورده
آدام کونده روبر کندیسی کری چه ویرتیر دییه کال سره تله ایلرلیوردی .

رفح [۱] موقعنده بولوندی صیراده فاروق معظم حضرتلری
طرفندن بر امرنامه کلدی . عمرو ، قاصدی اویالایوب خلیفه نک
مکتوبی آماد (العریش) جوارنده برکویه قوندی واوراسنک . مصر
اراضیسندن اولدیغی صوروب اوکره نجه امرنامه بی آلدی . او قودی .
حضرت خلیفه ، مکتوبنده اوردونک شیمدیلک کری دوغمه سنی
امر ایدیوردی . سردار ، نامه فاروقی اوقویوب مألنی تبلیغ ایله دکن
صوکر :

— امیر المؤمنین ، مصر طوبراغنه کیرمه دن اول عودتی امر
بر مکتوبکی آیرسم کری دوغمه سویله مشدی . حال بوکه شو مکتوب ،
آلیمه مصر اراضیسنده واصل اولدی ، بناء علیه دوغمه جکیز . دییه رک
بسم الله و علی برکة الله آرش ! امرینی ویری .

اسلام مجاهدلری یورودیلر و فرما [۲] قصبه سنک اوکنه کلایلر .
اوراده کی روهلر ، مدافعه ده بولونیلر و برآی قدر دایاندیلر سده
قصبه نک ید اسلامه کچمه سینه مانع اولامادیلر .

[۱] رفح : سوریه ایله مصر حدودنده و غزمه نک ۱۸ میل جنوب غریبسنده
بر قصبه اولوب زمان قدیمده (رافیا) اسمیه . مشهور اولدیگی کبی اوائل دور
اسلامده دخی معمر ایدی . میلاددن ۲۱۷ سنه اول بو موقعده دردنجی
بطلیموس ، بیوک از ایوخی مقلوب ایدوب سوریه و فلسطینی ضبط ایله مشدی .
یا قوت حموی ، بو قصبه نک خرسزلیله و کلایلرینک شرارتیه مشهور اولدیغی
یازیور . قاموس الاعلام

[۲] فرما : مصرک ساحل شمالیسنده تنیس قریبنده بولنش اسکی بر قصبه
اولوب باطالقلرله محاط اولدیغندن هواسی پک آغیر و آنجق خرماسیله میوه لری
کوزل بولنش اولدیغی جغرافیون عرب آثارنده مذکوردر . اهل صلیب
وقعه لرینه دک معمر اولوب بعده خراب اولمشدر . قاموس الاعلام

اولر نه دیرلرسه دیسینلر ، بز اسلامک اون درت عصر اولی
بوشانی مظفرتی اسبانی مادیتدن زیاده معنویتده ارامامن لازم کلدیکنی
حقیقت بزه امر ایدیور .

ثبوت . ایشته کورولیلور که اسلامیتک نفخ ایلدیگی روح
علوی انسانیتله دیریلندیکی ؛ سوروندیکی سفیل ، وحتی طوبراقلردن
قالدیروب جهان بشریتک فوقه یوکسلندیکی براووج قهرمان شیردل
کندیسندن اون کره چوق اولان جسم بر اردوینی بر حمله ده محو
ایدیور ، «ان یکن منکم عشرون صابرون یغلبوا مائین = اکر
سزدن ، صابر یکریمی کشتی بولونورسه ایکوز دشمنی مغلوب و مقهور
ایدرلر .» وعدالیه سنک صدقه شاهد ذی حیات اولیور .

بر اردونک که وصف ممتازی : شجاعت و حماست ، آمرینه
علی الاطلاق انقیاد و اطاعت ، میدان حربده صبر و ثبات ، عزم و توکل ،
استخفاف حیات ، استحقار موت ، سودای شهادت ؛ افرادی روحاً
و جداناً ضیای خورشید کی غیر قابل تجزی و انحلال بر وجود ، عدداً
آزده اولسه ... حیاته ، اودرت کونلک متاع موقتیه ، انک شهوات
بهیمه سینه اسیر ؛ دینی ، ملتی ، دولتی ، وطنی ، یاراغی اوغرینه تولک
شویله دورسون ، اوفاجق بر جریحه راضی دکل ، حتی برقلینه بوتون
جهانی فدادن چکیمز حسسزه و جدانسه ، قورقاق ، مافوقه سرکش ،
خاصی ، ثبات و مکانت کی مزایادن عاری مخلوقات سفیله دن مرکب
بر اردوینی عدداً ملیونه بالغ اولسه ینه مغلوب و مقهور ایده جکی شه سزدور .
ایشته جیش اسلام ! ایشته قارشیدسنده کی دشمن !

جیش اسلام ، عسکرینک روحی اولان اطاعت و انقیاد ،
اودرجه کالی بولمشدی که : آمری «اتشه آتلیکیز !» دیسه تردد بیله
ایتمک ایسته مزدی .

بومستنا «یرموک» قهرمانلرندن : ابوجهیم بن حذیفه العدوی
(رضی الله عنه) دیورکه : محرب اسلامک مظفریت قطعیه سیله
ختم بولدی . عم زاده می کوره مدیکم ایچین شاید مجروحین میاننده دره
ظنیله المده برقاب صو کتیدیم ، برده باقدیم : حقیقه مجروح و حالت
نزعه . یوزینی مسح ایتدیم ، کوزلرینی آجدی «صو ایسترمیسین»
دیدیم ، (ثبوت) اشارتی آلدیم . تام صوبی دوداقلرینه کوتورورکن
ثوته دن بر مجروح آجی برانین قویاردی ، هم زاده صوبی آکا کوتور-
مکلکمی اشارتله آکلاندی ، کوتوردم ، برده تام صوبی ایچه جکی آنده
داها ثوته دن دیگر یورکار دن بر ایکنجی آه ... اوده بو آه قارشیدسنده
ممکن دکل صوبی ایچه میه جکینی ، اوزواللی نک امدادینه یتشم کلکمی
آکلاندی . قوشدم ، مکر تسلیم روح ایتمش . دوندم بریکده
کیتمش ، عم زاده مه قوشدم ، اوده رحمت حقه واصل اولمش ،
هیچ برینه صوبی ایچمک نصیب اولمادی . [۳]

کوریومی بز مشارالیه هم حضراتنک یکدیگرینه قارشو اولافرط
محبت و شفقتلرینی ؟ شو راده چشمه نک صوبی براز آزالسه بز بر بریمزی
[۳] فتوحات اسلامیه : سید احمد زینی بن دخلان جلد ۱ صفحه ۳۹-۳۸